



Jesu Kreste Yena Maobane,
Kajeno Le Ka Ho Sa Feleng

ka

Mor. William Branham

SELELEKELA

Buka ena e ngoletswe hore mang le mang ya e balang a tsebe hore Jesu Kreste o sa ntsa Pholosa le ho Fodisa batho.

Ke tumelo ya ka hore O tla hlaha hape kapele.

Buka ena e bolela kamoo A ileng a kgetha moshanyana wa mofutsana le ho mmitsatsa mosebetsing wa hae, ka mokgwa oo moshanyana a ileng a Mmalehela nakwana mme yaba o retolohela ho Yena ka pelo yohle.

THAPELO

Oho, Ntate ya Mahodimong, ka kopo hlohonolofatsa e mong le e mong ya balang buka ena.

A ba ke ba tsebe hore kapele-pele O tla bitsa Kereke e matla, eo re eso kang re bona e jwaloaka yona.

Le jwale re sa O dumela.

Bopa tabatabelo kahare ho pelo e nngwe le e nngwe Oho Wena ya Lokileng, mme thusa mohlanka' hao ya ikokobreditseng ho ntshetsa pele molaetsa wa Hao.

Ke a tseba hore O nnile wa mpata lehlakeng, jwaloaka ha O ile wa pata Moshe bakeng sa morero o itseng.

Ka baka leo Ntate, nthuse ho tlrtlisa lebitso la hao, hobane ke kopa ka lebitso la Jesu.

Amen.

Jesu Kreste Yena Maobane, Kajeno Le Ka Ho Sa Feleng

Ke hlahetse Cumberland County, Kentucky, ka hara motlotlwana wa dithupa. Ntate wa ka le mme ba nyalane ba sa le banyenyane mme ke ne ke le letsibolo. Ke ile ka bolellwa ke mme hore ka nako e nngwe ha ke ne ke batla ho ba feela dikgwedi tse tsheletseng, mme ntate o ne a ile hole le hae, re ile ra thibellwa ke lehlwa dithabeng matsatsi a mmalwa. Re ne re se na dijo mme mme o ne a eya a ntse a fokola nako le nako. Qetellong a hloma eka pheletso e fihlile. A bolela hore o ile a phutha dipahalo tsohle tsa rona mmoho le dipahalo tsa moalo mme hoba a ntshikare matsohong a hae a re thatela ka tsona hohle hore re kgone ho dula re futhumetse kamoo ho ka kgonehang.

Mmadi ya ratehang, ke dumela hore hoo e ka be ile ya eba pheletso hoja Mopholosi wa rona ya lerato a sa ka a hlah sebaeng nakong eo. Empa ka nako tsohle O haufi le ho hlah ka motsotso o nepahetseng. O ile a bua le moahelani wa kgale ya pelo e lokileng mme a mmolella hore a tle ho sheba hore hobaneng ho sa ka ha eba le mosi o tswang koroseteneng ya rona matsatsing a mmalwa a fetileng. Hoba a fihle le ho thuha ho ka kena ka motlotwaneng a fumana nna le mme re se re batla re shwele ke tlala. A fumana dipatsi tse mmalwa mme a besa mollo. Yaba o kgutlela motlotwaneng wa hae ho re fumanela dijo. Kapele-pele ke ha re se re le lekgatheng la ho fumana matla le bophelo hape. Ho roriswe lebitso la Hae ka hoo.

Hang-hang morao ho moo ra tloha naheng ya Kentucky mme ra ya Indiana. Ntate a sebeletsa rapolasi pela Utica, Indiana. Ra dula moo ho batlile ho ba selemo se le seng ra ntano fetela pejana tlase phuleng ya Ohio. Dilemo tse mmalwa tsa feta mme ke ne ke se ke hodile ho ka ba moshemane ya lekaneng hantle nakong eo Modimo a neng a bua le nna.

Ke ne ke le tselaneng mantsiboya a mang ho ya kga metsi a lapeng ho tswa modikong, o neng o ka ba bohole ba boloko ba motse ho tlaha tlung. Mme sebakeng se batlileng ho ba dipakeng tsa ntlo le modiko ho ne ho eme sefate sa kgale sa papoliri. Ke ne ke sa tswa fihla lapeng ho tswa sekolong mantsiboya ao mme bahanyana ba bang ba boahelani ba ne ba tswela ntlo letsheng la kgale ho tshwasa dihlapi. Ke ne ke llela ho ya empa ntate o ne a boletse hore ke tlamehile ho kga metsi. Ke ne ke ile ka ema tlasa sefate ho phomola ha hang ka potlako ke utlwa moyo o tsukutla mahlaku. Ka tseba hore o ne o sa foke sebakeng se seng feela. Ho ne ho bonahala e le thapama e kgutsitseng haholo. Ka tjhetjhella morao ho tlaha sefateng mme ka lemotha hore sebaka se ka bang boholo ba barele ho bonahala jwaloka hoja se budula hara mahlaku a sefate. Yaba ho hlahla lenseswe le reng, "O se ke wa nwa, wa tsuba, kapa ho silafatsa mmele wa hao ka mokgwa ofe kapa ofe, hobane ke na le mosebetsi bakeng sa hao oo o tlang ho o etsa ha o hola."

La ntshosa hona, hoo ke ileng ka mathela hae empa ha ke a ka ka bolella motho kaha lona. Ke ne ke sa kgone ho nwa kapa ho tsuba le ka mohla. Ke dumela hore Modimo o tla etsa mosebetsi o moholo matsatsing a qetelo.

Hoba ke hole ho lekana hore nka tsamaya le metswalle e metjha, ba ne ba ye ba ntshome ba re ke mmisi ka ho se tsuba kapa ho se nwe. Ba ne ba ye ba re esita le banana ba ne ba tsuba mme ba na le sebete ho mphetha. Ke ile ka ba dihleng he ho ba bolella se neng se etsahetse bophelong ba ka. Empa, metswalle e ratehang, ruri ke fumana tlota ho bolelleng lefatshe ka ha yona kajeno. Halelluya!

Dilemong tse ka bang leshome le metso e mene ke ile ka lemala hampe ha ke ntse ke tsoma. Ka qeta dikgwedi tse supileng kokelong. Modimo o ne o sebetsana le nna empa ke sa batle ho ela hloko. Pitso ya nna ya ntihakela ho feta le ho feta. Empa kaha ke ne ke sa hodisetswa lelapeng la Bokreste ka leka ho e hanela. Makgetlo a mangata ka utlwa lenseswe leo le kgutsitseng, le lesesane le mpitsa, empa ke ne ke ye ke le qhele. Ka fihla moo ke neng ke batla ke sa kgone le ho emelana le ho utlwa ho bitswa ha kereke feela.

Tsatsi le leng ka etsa qeto ya hore ke fumane mokgwa wa ho fedisa pitso eo. Ke ne ke tla ya bophirima ho sebetsa polasing. Motswalle, Modimo o moholo feela ho lekana ntle moo jwalokaha a le sebakeng se seng le se seng. A o ke o ruiswe ke boiphihlelo ba ka. Ha A o bitsa, Mo arabele.

Hoseng ho hong ha Mphalane selemong sa 1927, ka bolella mme hore ke ya leetong la ho kampa Tunnel Mill, e batlileng ho ba dimaele tse leshome le metso e mene ho tloha Jeffersonville moo re neng re dula teng nakong eo. Ke ne ke se ke ile ka rala leeto le metswalle e itseng ho ya Arizona. Nakong eo mme a utlwelang ka nna hape, ke ne ke se Tunnel Mill empa Phoenix, Arizona, ke balehela Modimo wa Lerato. Bophelo ba polasi bo ile ba eba monate haholo nakwana, empa kapele-pele ba nna ba tsofala, jwaloka monate ofe kapa ofe wa lefatshe. Empa a nke ke bolele mona, ho Roriswe Modimo, ka hore boiphihlelo mmoho le Jesu bo eketsa ho ba monate le ho ba monate ka nako tsohle mme le ka mohla ha bo tsofale. Jesu o fana ka kgotso e phethahetseng le matshediso ka nako tsohle.

Ka makgetlo a mangata ke nnile ka utlwa moyo o foka o pholletsa hara dipaene tse telele-telele. Ho ne ho utlwahala eka nka utlwa lentswe la Hae le bitsa hojana ntle moo morung, le re, "Adama, o ho kae?" Dinaledi di bonahala di le haufi o ne o ka di nanabela ka matsoho a hao. Modimo a bonahala a le haufi jwang.

Ntho e le nngwe e bonahalang e hhalosa boholo ho nna le jwale ka na ha eo ke ditsela tse lehwatateng. Ha o ka kgeloha tseleng le ka mohla, o lahleha habonolo feela. Kahoo makgetlo a mangata baeti ba ye ba bone dipalesa tse nyenyane tsa lehwatata mme ba kgeloha mmileng ho di kga. Ba phaile hohle lehwatateng mme ba lahlehe le hona nako tse ding ba bolawe ke lenyora. Ho jwalo le tseleng ya Bokreste—Modimo o na le mmila. O bua ka wona ho Esaia, kgaolo ya 35. O bitswa "Mmila wa Kgalalelo." Hangata menate e menyenyane ya lefatshe e o hulela hole le mmila. Mme eba o lahlehetswe ke boiphihlelo ba hao le Modimo. Ha o lahlehole lehwatateng, ka nako tse ding ho hlaha phatsimo. Ho batho ba shwang ke lenyora, phatsimo ena ke noka kapa qanthane. Hangata

batho ba matha kamora yona mme ba wele hara yona ba fumane hore ba ntse ba sesa feela hara lehlabathe le tjhesang. Ka nako e nngwe Diabolosi o o bontsha ntho e itseng eo a e boledisang ka hore ke monate. Hoo ke phatsimo feela, ke ntho feela eo e seng ya nnete. Ekare ha o mamela o tla iphumana feela o ipokeletse matshwenyeho hlohong ya hao. O se ke wa mo mamela, mmadi ya ratehang. Dumela Jesu ya fanang ka metsi a phelang ho bao ba lapileng le ho nyorwa.

Tsatsi le leng ka fumana lengolo le tswang lapeng le mpolella hore e mong wa baena ba ka o kula haholo.

E ne e le Edward, ya nthihahlamang. Ehlile ka hopola hore ha ho hobe hakaalo, ka hoo ka lekanya hore o tla hlaphohelwa. Empa mantsiboya a mang matsatsi a mmalwa morao ho moo ha ke ne ke etswa motseng yare ha ke feta hara holo ya moitedi moo polasing ka bona pampiri hodima tafole. Ka e phahamisa. E baleha tjena, "Bill, tshelela makgulong a ka leboya. Ho bohlokwa haholo." Ka mora hoba ke bale molaetsa nna mmoho le motswalle wa horenq ra tswela moo makgulong. Motho wa pele eo ke ileng ka kopana le yena ebile renjara ya kgale ya Lone Star ya neng a sebetsa polasing eo. Lebitso la hae e le Durfy, re mpa re mmitsa "Pop." O ne a ena le tjhebahalo e hlokofetseng sefahlehong sa hae ha a re, "Billy moshemane, ke o tshwaretse ditaba tse bohloko." Nakong yona eo moetapele a tla a tsamaela ho rona. Ba mpolella hore mohala o sa tswa fihla o beha kaha lefu la moenaka.

Motswalle ya ratehang, ho ka ba motsotsotso ke ne ke sa kgone ho sisinyeha. E ne e le lefu la pele ka lapeng la rona. Empa ke batla ho o bolella hore ntho ya pele eo ke ileng ka nahana ka yona ke hore na o ne a itokiseditse ho shwa. Yare ha ke reteleha mme ke tadima naha e tshehla e se nang difate, dikeledi tsa keleketla marameng a ka. Ka moo ke ileng ka hopola mokgwa oo re neng re ye re sotlehe mmoho ha re sa le bahlankanyana ba banyenyane le ka moo ho bileng boima ho rona.

Re ne re eya sekolong re batla re se na ho lekaneng ho ka jewa. Menwana e ne e hlahetse kantle ho dieta tsa rona mme re ne re

loketse ho apara dijase tsa kgale tse qhwaetsweng hodimo molaleng hobane re ne re sa apara dihempe. Ka moo ke ileng ka hopola hape tsatsi le leng ha Mme a ne a tshetse diqhuqhume tsa poone ka hara nkgo e nyenyan bakeng sa dijo tsa rona tsa motsheare. Re ne re sa jele pontsheng ya bana ba bang. Re sa kgone ho fumana dijo tse tshwanang le tseo ba neng ba ena le tsona. Ka nako tsohle re ne re ye re tswe re potele ka morao ho leralla mme re je. Ke sa hopola hore tsatsing leo re neng re ena le diqhuqhume tsa poone re ile ra hopola hore ruri re hlomphilwe. Ka baka leo ho etsa bonneta ba hore ke fumana karolo ya ka ya tsona ka tswela ntle pele ho motshehare o moholo, ka kga ka seatla se tletseng pele moena a fumana karolo ya hae.

Yare ha ke ntse ke eme moo ke tadimile naha e bataletseng e tjhesitsweng ke letsatsi ka nahana ka dintho tseo tsohle mme ka ipotsa hore a ebe Modimo o mo nketse sebakeng se molemonyana. Yaba hape Modimo o a mpitsa, empa ka temalo ka leka ho e Iwantsha.

Ka lokisetsa ho tla hae bakeng sa lepatong. Yare ha Mor. McKinny wa kereke ya Port Fulton, monna ya jwaloka ntate ho nna, a rera lepatong la hae o ile a bolela hore, "Ho ka nna ha eba le ba bang mona ba sa tsebeng Modimo, ekare ha ho le jwalo, mo lebelle jwale."

Oh ka mokgwa oo ke ileng ka tiisa setulo sa ka, Modimo o ne a sebetsa. Mmadi ya ratehang, ha a bitsa, mo arabele.

Nke ke ka lebala ka moo Ntate le Mme ba batho ba tsofetseng ba ileng ba lla kamora lepatong. Ke ile ka batla ho kgutlela morao Bophirimela empa mme a nqeka haholo ho dula ho fihlela ke dumetse ho dula ha ne nka fumana mosebetsi. Kapele ka fumana mosebetsi Mokgatlong wa Mosebetsi wa Setjhaba wa Indiana, moo ke hirilweng jwale.

Dilemo tse ka bang pedi morao ho moo ha ke ntse ke hlahloba dimetara lebenkeleng la dimetara moo Tshebetsong ya Digase ho la New Albany ke ile ka hahlamelwa ke gase mme ka kula dibike-beke ke yona. Ka etela dingaka tsohle tseo ke neng ke di tseba. Ka se ke

ka kgona ho hlaphohelwa. Ka tshwarwa ke esiti ya mala, e bakilweng ke dikamano tsa gase. Ya nna ya mpefala ke dinako tsohle. Ke ile ka iswa dingakeng tse ikgethileng Louisville, Ky. Qetellong ba re ke lelana la ka mme ba bolela hore ke tlamehile ho sehwa. Ke ne ke sa kgolwe, hobane ke ne ke eso ka ke eba le mahlaba lehlakoreng la ka. Dingaka tsa bolela hore di ke se hhole di nketsa letho ho fihlela ke sehwa. Qetellong ka dumela hore ho etswe empa ka hatella hore ba sebedise sethetefatsi sa lehae hore ke kgone ho bona ha ho sehwa.

Oho, ke ile ka batla e mong ya tsebang Modimo ho ema pele ka. Ke dumela thapelong empa ke sa kgone ho rapela. Ka lebaka leo moruti ya tswang Kerekeng ya First Baptist a ya mmoho le nna tafoleng ya ho sehwa.

Yare ha ba ntlosa tafoleng ya ho sehwa ho ya moalong ka utlwa ke ntse ke eketsa ho fokola le ho feta ka nako tsohle. Pelo ya ka e batla e sa otle. Ka utlwa Lefu hodima ka. Phefumoloho yaka e ntse e eketsa ho kgutsufala ka nako tsohle. Ka tseba hore ke fihlile pheletsong ya tsela yaka. Oho motswalle e re o ke o fihle moo hang ka mohla mme o tla hopola dintho tse ngata tseo o di entseng. Ka tseba hore ha ke a ka ka tsuba, ho nwa kapa ho ba le mekgwa eke kapa efe feela e neng e sa hlweka empa ka tseba hore ha ke a ka ka itlhophisetsa ho kopana le Modimo wa ka.

Motswalla ka, ekare ha o le feela setho se tlwaelehileng sa kereke se batang o tla tseba ha o fihla moo pheletsong hore ha o a ka wa itlhophha. Ka baka leo ha ele phetho seo o se tsebang ka Modimo wa ka, ke o kopa ho kgumama hantle mona ka mangole le ho kopa Jesu ho o nea boiphihlelo boo ba ho Tswalwa hape, jwaloka ha A boleletse Nikodema ka yona ho Johanne, kgaolo ya 3, mme oh ka mokgwa oo manyene-nyene a thabo a tlang ho tidinya—ho Roriswe Lebitso la Hae.

Ha qala ha fifala ka phaposing ya kokelo jwaloka ha eka e ne e le morung o moholo. Ka utlwa ha moyo o foka hara mahlaku, leha ho ne ho utlwahala eka ke hole-hole morung. Ke kgolwa hore o kile wa utlwa pudulo ya moyo o fokang mahlaku ha o atamela hanyane-ka-hanyane haufi le wena.

Ka nahana, "Tjhe, hona le lefu le ttile ho nkuka." Oh! Moya wa o ne o ya kopana le Modimo, ka leka ho rapela empa ka se ke ka kgona.

Moya wa nna wa atamela, o eketsa modumo. Mahlaku a shwaratsa mme yaba hang ke ile.

Ha bonahala hape eka hoja ke moshanyana ya monyenyan ya sa rwalang maotong, ke eme tselaneng eo tlasa sefate sona seo. Ka utlwa lona lenseswe le itseng, "O se ke wa nwa kapa ho tsuba." Mme mahlaku ao ke a utlwileng e le wona a neng a fokaela sefateng seo tsatsing leo.

Empa kgetlong lena la re, "Ke o bitsitse empa ha o a ka wa ya." La phetha kgetlo la boraro.

Yaba ke re, "Morena, ekare ha e le wena eo, a nke ke kgutlele morao lefatsheng mme ke tla rera Evangedi ya hao ho tswa marulelong a matlo le koung ya seterata. Ke tla bolella e mong le e mong ka yona!"

Yare hoba pono ena e fete, ka fumana hore ha ke eso ka ke hlaphohelwa. Ngaka ya ka ya thipa e ne e ntse e le ka mohahong. A tla a ntadima mme o ne a hloletswe. A shebahala eka o hloma hore ke ya ho shwa, yaba o re, "Ha ke monna ya tsamayang kereke, tshebetso ya ka e kgolo, empa ke a tseba hore Modimo o etetse moshanyana enwa." Horenge a ile a bolela seo, ha ke tsebe. Ha ho motho ya kileng a bua ho hong ka hona. Hoja nakong eo ke ne ke ile ka Tseba seo ke se tsebang jwale, nka be ke ile ka phahama moalong oo ke howa Thoriso Lebitsong la Hae.

Ka morao ho matsatsi a mmalwa ka dumellwa ho kgutlela lapeng empa ke ntse ke kula mme ka tlameha ho rwala diborele mahlong a ka ka baka la mahlo a lephekg. Hloho ya ka e sisinyeha ha nka tadima ntho motsotsotso.

Ka qalella ho batla le ho fumana Modimo. Ka tloha kerekeng e nngwe ho ya ho e nngwe ke leka ho fumana sebaka se itseng sa mehleng ya kgale moo ho neng ho ena le memelo ya batho aletareng. Karolo e boholoko ya eba hore ha ke a ka ka e fumana. Ka bolela hore haeba ruri ke le Mokereste, ruri ke tla ba e mong. Moruti

ya ileng a nkutlwa ke bua seo a re, "Jwale Billy moshanyana, o ya tseleng ya Bohlanya." Ka re haeba ke fumana borapedi le ka mohla ke ne ke batla ho bo utlwa ha bo etla jwaloka ha barutuwa ba entse.

Oh ho roriswe lebitso la Hae. Ka fumana borapedi ka moraonyana mme ke sa na le bona, mme ka thuso ya hae ke tla bo boloka kamehla.

Bosiung bo bong ka lapela Modimo mmoho le boiphihlelo ba sebele tjena hoo ke ileng ka tswela ntle lephepheng la kgale kamora ntlo le ho leka ho rapela. Ke ne ke sa tsebe hore ho rapelwa jwang kahoo he ka qala ho bua le Yena jwaloka ha ne nka bua mothong e mong le e mong feela. Hang feela ha hlaha lesedi kahare ho lephephe mme la etsa sefapano mme lenseswe le tswang sefapanong le bua le nna ka puo eo ke neng ke sa e utlwisise. Yaba le a tsamaya. Ke ne ke hloletswe. Hoba ke iphumane, ka rapela hape, "Ekare ha e le wena eo Morena, tloo o tlo bua le nna hape." Ke ne ke ile ka nna ka bala Bibele ya ka ho tloha ke fihlile lapeng ho tswa kokelong mme ke ile ka bala ho Johanne 4, "Baratuwa le se ke la dumela meya yohle, empa le e leke hore na ke ya Modimo."

Ke ile ka tseba hore moyo o iponahaditse ho nna, mme yare ha ke ntse ke rapela wa hlaha hape. Yaba ho utlwhala ho nna eka hoja ho tlotsitswe diponto tse sekete moyeng wa ka. Ka qhomela hodimo mme ka mathela tlung mme ha utlwhala eka hoja ke ne ke matha moyeng.

Mme a botsa, "Ho etsahetseng ho wena, Bill?" Ka arabela, "Ha ke tsebe empa ruri ke ikutlwa hamonate homme le bobebe." Ha ke a ka ka kgona ho hlola ka tlung halelele. Ka lokela ho tswela ntle le ho matha.

Ka tseba ke hona hore ekare ha Modimo o batla hore ke rere o tla mphodisa, ka lebaka leo ka ya kerekeng e neng e dumela ho tlotseng ka oli mme ka fola hang-hang. Ka bona jwale hore morutuwa ba ne ba ena le se seng seo bongata ba baruti kajeno bo se nang sona. Barutuwa ba ne ba kolobeditswe ka Moya o Halalelang mme kahoo ba ne ba kgona ho fodisa bakudi le ho etsa mehlolo e meholo ka lebitso la Hae. Ka baka leo ka qala ho rapella kolobetso ya Moya o Halalelang mme ka o fumana.

Tsatsi le leng dikgwedi tse ka bang tshelela morao ho moo, Modimo wa nnea takatso ya pelo ya ka. A bua le nna leseding le leholo a mpolella hore ke ye ho ya rera le ho rapella ba kulang mme O tla ba phekola ho sa natse hore ba na le bohloko bofe. Ka qala ho rera le ho etsa seo A mpoleletseng ho se etsa. Oh, motswalle, nke ke ka qala ho o phethela hohle ho ileng ha etsahala: Mahlo a foufetseng a buleha. Ba shweleng ditho ba tsamaya, mefetshe e ile ya phekolkwa mme le mefuta ya mehlolo ya etswa.

Ka tsatsi le leng tlase ho Seterata sa Spring, Jeffersonville, Indiana, kamorao ho tsoseletso ya dibike tse pedi, ke ne ke kolobetsa batho ba 130. E ne e le letsatsi la Phato le tjhesang mme ho ne ho ena le batho ka bang dikete tse tharo ba neng ba le teng. Ke ne ke ya kolobetsa motho wa bo-17 ha hang feela ke utlwa lenseswe leo le kgutsitseng, le lenyanyane hape mme le re, "Sheba hodimo." Lehodimo le ne le le jwaloka koporo tsatsing leo le tjhesang la Phato. Re ne re ile ra hloka pula dibekeng tseo tse tharo. Ka utlwa lenseswe hape, yaba hape kgetlo la boraro le re, "Sheba hodimo."

Ka sheba hodimo mme ha theoha ho hlaha sebakeng naledi e kgolo e phatsimang eo ke nnile ka e bona makgetlo a mangata pele empa eo ke sa kang ka le bolella ka yona. Makgetlo a mangata ke nnile ka bolella batho ka ho hlaha ha yona mme ba ntshehe feela ba re, "Bill, o mpa o lekanya seo feela. Kapa mohlolomong o ne o lora." Empa ho roriswe Modimo, kgetlong lena O ne a ithhahisitse ka Boyena ka ho bonahala ho bohle, hobane e ile ya atamela haufi hakaalo ho nna ka se ke ka kgoni le ho bua. Hoba metsotswana e mmalwa e fete, ka howa mme batho ba bangata ba tadima hodimo ho nna feela ba bona naledi. Bang ba akgeha ha ba bang ba howa homme ba bang ba baleha. Yaba naledi e boela hape sebakeng, mme sebakeng seo e neng e tlohilie ho sona se ne se ka ba disekwere tsa maoto tse leshome le metso e mehlano, mme sebaka sena sa nna sa tsamaya le ho fehleha jwalo kapa jwakaha eka maghubu a na ntsa phethoha. Sebakeng sena ho ne ho bopehile leru le lenyanyane le lesweu, mme naledi ya nkelwa hodimo lerung lena le lenyanyane.

Mmadi ya kgabane, ha feela ke ne ke ena le sebaka bukeng ena ho o phetela ka dintho tse ngata-ngata tse ileng tsa etsahala, kamoo tabernakele ya rona e ileng ya hahuwa, le tse ngata tsa ditsoseletso tse matla tseo re ileng ra di tshwara. Batho ba ile ba tla ho tswa hole le haufi ho phekolwa. Empa ke tla lokela ho etsa hore buka ena e be nyenyane ka ho lekana hore e tle e rekisehe ka theko e tlase mme e fumanwe ke bohle. Dintho tsena ke hore o tsebe hore Jesu Kreste esale yena jwalokaha a ne a le maobane le kajeno mme eya besale e le yena le ka hosafeleng, le hore o tle o mo dumele mme o bolokehe. Haeba o ka kgona, nako efe feela ha ditsoseletso tsa rona di le haufi le wena, di etele ka kopo.

BOPAKI

Jwale maqepheng a latelang o tla fumana bopaki ba Botho ba ba mmalwa ba ileng ba phekowa nakong ya tse ding tsa diboka tsa rona.

Ke ne ke le kokelong New Albany, Ind. ha ke ne ke utlwela ka Moena Branham. Ke ne ke ile ka thulwa ke koloi. Hantle dikgopo tsa ka di ne di robehile tsohle. Mokokotlo wa ka o sothahane. Ke ne ke le maemong a nyahamisang, ha ho tluwa thusong ya bongaka.

Moena Branham a nthapella, mme hang-hang dikgopo tsa ka tsa boela madulong a tsona, mmoho le mokokotlo wa ka. Ngaka ha e a ka ya kgona ho e utlwisisa. Ka tsoha, ka apara diaparo tsa ka, ka ya hae, mme ka ya mosebetsing.

Ho roriswe Modimo bakeng sa Matla a Hae a Fodisang.

William H. Merrill, 1034 Clark St., New Albany, Ind.

Ke bile seritsa ka dilemo tse ngata. Ke kgomaretse moalo nakwana e itseng. Ditho tsa ka di honyetse kahoo ke sa kgone ho tsamaya. Ngaka ya re nke se tsamaye le ka mohla. Ka utlwela ka Moena Branham le kamoo Modimo o neng o arabela dithapelo tsa hae. Kahoo ka mmitsa. Yena mmoho le mohlankanya ya bitswang, DeArk, ba tla le ho nthapella. Kapele-pele ditho tsa ka tsa fola. Ka kgona ho tsamaya. Le jwale ke sa tsamaya. Ke dilemo tse 4 tse fetileng ho etsahetse.

Ke tlotsa Modimo ka Matla a hae a Makatsang.

Mof. Mary Der Ohanion, 2223 E. Oak St., New Albany, Ind.

Ho mang kapa mang ya Amehang.

Nkile ka holofala nakwana e itseng. Ditho tsa ka di ile tsa robeha mme kaha ne ke sa kgone ho tsamaya hape. Ho latela polelo ya Ngaka. Mora ka a ntshutumeletsa tshebeletsong ya Moena Bill, setulong sa ka se tsamayang. Bosiung boo ka bona monna ya neng a eso ka a tsamaya dilemo tse 18 a tsamaya hape. Hape ka bona monna a fumana pono ya hae mme a tsamaya hara kereke ntle le thuso ya letho. E ne e bile sefou dilemo tse 40 mmoho le ba bang ba bangata, diritsa le mefuta e mengata ya malwetse, tsa phelokwa bosiung boo. Kahoo yare ha ho etla nako ya ka ho rapellwa, ka ba le tumelo ho dumela ho Jesu, hore e ne e le yena maobane, kajeno, le ka hosafeleng. Moena Bill a nthapella, a ntshwara ka letsoho mme a re, "Ka lebitso la Jesu—tsamaya."

Ka utlwa matla a Modimo a etla hodima ka. Maoto a ka a neng a sataletse a otlolohile kapela ka a namela fatshe mme ka qala ho tsamaya, homme ke rorisa Modimo, ka siya setulo sa ka sa kgale se mabidi mme ka tsamaya diboloko tse mmalwa ho ya hae.

Mof. T. Hargrove, 149 Spring St., Jeffersonville, Indiana.

Ke ile ka tellwa ho timetswa ke mofetshe dilemo tse pedi tse fetileng. Ke tsebile Moena Bill ka dilemo-lemo. Ke mo tsebile e le motho ya lokileng mme ke nnile ka ba dikopanong tsa hae tse ngata Modimo a mo hlohonolofatsa mme a sebetsa mehlolo e mengata-ngata ka yena. Ka mmitsa ho tla nthapella. Kankere ya ka ya nyamela.

Le jwale ke sa thabile, ke rorisa le ho leboha Modimo.

Mof. L. Stinner, Missouri Ave., Jeffersonville, Indiana.

Ngaka ya rona ya lelapa e ne e ntetse, dihora tse mmalwa feela ho phela. Ke ne ke ile ka kula dilemo tse tharo ke mofetshe.

Monna ya bitswang Wiseheart a mpolella ka Moena Bill. Ba ile ba kganna dimaele tse 35 hara lehlwa le leqhwia ho tla ho nna. Nakong eo ba fihlang moo, metswalle e mmalwa ya ka le beng ba ne ba se ba bokane ho mpona kgetlo la ho qetela. Baradi ba ka ba se ba rekile diaparo tsa lebitla ho ka nkenya kahare. Ke ne ke batla ke idibane ha Moena Bill a fihla moo. A kopa bohole ba sa dumeleng ho tswa ka phaposing. Yaba o a kgumama mme a nthapella. Ka utlwa matla a Modimo hodima ka ha a bea matsoho a hae hodimo a ka, mme hang ka utlwa hore mofetshe wa ka o ile.

Ka phahama ka maoto a ka ke rorisa Modimo bakeng sa matla a hae. Ke dilemo tse 4 tse fetileng mme ha ke eso ka ke eba le mofetshe ho tloha nakong eo.

Ho roriswe Modimo bakeng sa Lereko la Hae.

Mof. Sarah Hoyse, Middletown, Ind.

Ke bile seritsa ho tloha tlhahong. Ke sa kgone ho tsamaya kapa ho sebedisa matsoho a ka le diphaka. Ka utlwela moo Moena Bill a neng a tshwere tshebeletso e babatsehang ya phodiso. Ka eta mme ka bona dintho tse ngata tse hlollang di etswa ka tumelo lebitsong la Jesu ka peo ya matsoho.

Moena Bill a nthapella, yaba o ntadima ka ho otloloha mme a re, "Lebitsong la Jesu, tsamaya." Ka utlwa matla a Modimo a etla hodima mmele wa ka. Ka ba le kutlo, mme kgetlo la pele bophelong ba ka ka qala ho tsamaya. Ke ne ke le dilemo tse 35.

Matsatsing ana a morao Modimo o sebetsa dintho tse makatsang.

Ho roriswe lebitso la Hae ka hosafeleng.

Ngwanana rona e monyenyanne, Betty, o nnile a kula dikgwedi tse tharo. Re bile le dingaka tse pedi tse tsebahalang tsa motse, empa ha bonahala eka ha ba kgone ho fumana sesosa. Hape re bile le

bareri ba babatsehang ba bangata ba motse le naheng e pota-potileng ho mo rapella. A nna a mpefala butle-butle. Yaba re romela Jeffersonville, Ind., ho monna ka lebitso la Mor. Wm. Branham, ya nang le neo ya phodiso ya Moya. Moena Bill, jwalokaha a bitswa, a tla ho rona hang. Kamora dihora-hora tsa ho rapela, a kena mme a re bolella hore Morena o mmontshitse pono hore a etsetse Betty wa rona e monyenyan eng. E ne e le feela letlalo le masapo mme a thothomela ka nako tsohle jwalokaha eka o na le komello ya ditho. Moena Bill a re botsa hore na re tla dumela Modimo le hore na re tla mamela seo A reng se etswe. Kamora hoba a rapele le ho bitsa lebitso la Jesu hodima hae, ngwananyana rona ya monyenyan a fola hang. E se e le dikgwedi tse 10 tse fetileng. Betty wa rona e monyenyan o bophelong bo phethahetseng jwale mme o nonne kamoo ho ka kgonehang. Ke tla thabela ho ngolla e mong le e mong ya batlang ho tseba ka phodiso ya hae, kapa efe feela ya diphodiso tse etsahetseng nakong ya tsoseletso eo Moena Branham a e tshwereng mona St. Louis ka 1945.

Phodiso e ileng ya etsahala Tsoseletsong ya St. Louis e fumanwa bukeng e reilweng "Pono Ya Lehodimo," ka Moena Branham. Etsa bonneta ba hore o a e bala.

Mor. Robert Daughtery, 2009 Gano Ave. St. Louis, Mo.

HO MANG FEELA YA AMEHANG:

Ke bile betheng ka mokokotlo wa ka dilemo tse 8 le dikgwedi tse 9 ke jewa ke Lefuba mme dingaka di se di ntetse. Ke ne nka fihla ka bothata boimeng ba 50lbs [diponto tse 50—Moft.] mme ho ne ho bonahala eka tshepo yohle e ile. Yaba ho hlaha Jeffersonville, Ind., dimaele tse ka bang 35 ho tlaha hae, ho tla Mor. Wm. Branham, ka pono eo a ileng a e bona ya konyana e tswasehileng lefelleng mme e lla "Milltown" (Ke moo ke dulang). Moena Branham o ne a eso ka a eba mona kapa ho tsejwa ke mang feela ho hlaha mona. Ho keneng, a beha matsoho a hae hodima ka a rapela, a bitsa lebitso la Morena

wa rona ya ratehang Jesu hodima ka. Ha utlwahala eka ntho e nngwe e a ntshwara mme hang ke ha ke phahame ke leboha Modimo ka baka la matla a Hae a ho phekola. Ka tswela ntle dibakeng tse thoko kgetlo la ka la ho qala dilemong tse 8, yaba ke kolobetswa nokeng, ka lebitso la Jesu Kreste. Hajwale ke seletsi sa piano kerekeng ya Baptisi mona. Dintho tse ngata di tsamaya mmoho le phodiso ena e kgolo. Ha ke na sebaka bopaking bona ho ngola tsohle. Ke tla thabela ho ngola le ho phethela e mong le e mong ka ho phethahala ya nang le thahasello phodisong ena ya ka.

Georgia Carter, Milltown, Indiana.

HO MANG FEELA YA AMEHANG:

Ke ile ka sehwa mme ke ne ke ena le tokomane ya mofetshe ho hlaho oporeisheneng. Ke ne ke ile ka etsa hohle hoo ke tsebang ho ho etsa ho kgutlisetsa bophelo, empa ka hholeha. Mofumahadi wa ka le yena a kula mme ra utlwela ka Mor. Branham le ka moo Modimo a sebetsang ka yena ho fodiseng bakudi. Re ile ra ya lapeng la hae thapameng e nngwe ya Sontaha dikgwedi tse ka bang tshelela tse fetileng, mme hoba re fihle ra fumana ba bang moo ba tlileng ka morero wona oo, mme ba fola. Yaba re buisana le Moena Branham mme ra mmotsa hore na ho na le se ka etswang bakeng sa rona. Ra mmolella hore re Makatolike empa a re bolella hore phodiso ya Moya e ka fihlelwa ke bohle ba dumelang. A lebisa maikutlo a rona mosading e mong wa Mokatolike ya ileng a boela a bona ho tloha a kopile Modimo ho mo thusa, mme jwale o bala mongolo o mosesane. O ne a foufetse hoo a neng a tataisetswa tlung ya hae. Yaba nna le mosadi wa ka re a rapellwa ra fola bobedi ba rona. Kankere ya ka ya nyamel! Re thabile le ho phela hantle tjena jwale mme hoseng ho hong le ho hong ke tsoha moalong wa ka ho rapella Moena Branham dihora tse tharo mmoho le mosebetsi wa hae bakeng sa Modimo. Ke na le kgwebo ya motlakase mona motseng mme Sontaha se seng le se seng hoseng re ya mmiseng wa ho qala re ntano tshela borogo re potlakele Tabernakeleng ya Branham. Mme hape re etela ditshebeleto tsa mantsiboya mme

bosiung ba Laboraro tshebeletso ya thapelo. Re phela hamonate mme ho bonahala eka hoja re phela lefatsheng le letjha. Ke tla thabela ho arabela lengolo lefe kapa lefe mabapi le dintlha tsa phodiso ya ka.

Louis H. Head, 417 Garnet Court, Louisville, Ky.

Ke batla ho tlatsa ka bopaki ba ka tlotsisong ya Modimo mabapi le phodiso ya Moya. Ke ile tshwenngwa ke lekgwekgwe ka dilemo tse ka bang tharo, le ileng la nna la nama le ho mpefala, ho fihlela bokahodimo ba diatla tsa ka mmoho le bokahodimo ba maoto e le kgoho e thata. Di ne di ruruhihampe mme di le bohloko haholo. Ka Mmesa 11, 1945, Moena Branham o ile a ntlotsta mma a bea matsoho hodima ka thapelang, empa ho ena le hore ke hlaphohelwe, ka tswella ho mpefala, mme kaha ke ne ke sebedisa setlolo matsohong a ka le maoto, ka hopola hore mohlomong leo ke lona lebaka ke sa kang ka phekoleha. Ka baka leo ka etsa qeto ya ho emisa ka tshebediso yohle ya dihlare le ho tlohellia bothata ba ka ka ho phethahala ho Morena. Ka Phuptjane 10, Moena Branham le Moena Seward ba nthapella hape mme Morena a mphekola, ho Roriswe lebitso la Hae le halalelang! Kgetlong le leng pejana ho moo Moena Branham o ne a ile a ntlotsetsa bokahare ba maoto bo fokolang. Maoto a ka a ne a opa hoo ho tsamaya ho nna e neng e le tlhokofatso. Empa ho tloha ke tlotsitswe, maoto a ka a natlafala, mme kajeno nka tsamaya sebaka se selelele ka bohloko bo bonyenyane maotong ho feta ha ke ne ke le feela sekwere se le seng pele ho tlotsi. Mme ke lakatsa ho tlatsa hore hona ha se boiphihlelo ba ka ba ho qala mabapi le phodiso ya Moya. Dilemong tse mashome a mabedi a motso o mong tse fetileng, ke ile ka etela kopano e neng e tshwerwe ke Mor. C.H. Erickson mane Columbus, Ind. Ba bang ba ile ba phekowa malwetseng a fapaneng mme kaha ke nnile ka tshwenngwa ke lera la mahlo hampe ka nako e telele mme ka ba le lera le melang hodima leihlo le letona la ka hoo ho batileng ho sira ponu ya ka (mme bo ka bo ile ba mphoufatsa ka nako), le nna, hape, ka kopa Morena ho mphekola mme A etsa hoo. Ha ke a ka ka hlola ke tshwenngwa ke bo bong ba malwetse ao. Ke ile ka amohela

tlhohonolofatso ena ke dutse setulong sa ka, kaha ke ne ke sa ka ka kopa dithapelo tsa Mor. Erickson. Ke nnile ka bona diphodiso ka utlwa le ho bala bopaki ba ba bang. Dilemo tse ka bang pedi tse fetileng ke ile ka feta lelapa pela Prospect, Ky. Lesea le lenyenyan le kulang le ne le robetse hodima moalo ka jareteng mma lona a mpolella hore le se le hodile ho feta dikgwedi tse nne mme le kutse bophelo bohole ba lona bo bokgutshwane. Le ne le le lesesane haholo mme le sa kgone ho fepeha ntle le ho bokolla ke bohloko. Sontaheng se latelang ka bolella Moena Branham ka ngwana enwa. Yena mmoho le phutheho ba rapella lesea, mme dibeke tse mmalwa morao ho moo ka feta hape lapeng lena mme ka botsa taba tsa lesea. Le ne le hlapohelwa le ho ipha mmele. Ka kena ho ya le bona, mme le ne le fepeha mme le natefelwa ke hona. Ho ngodilwe hore Ntate rona ya mahodimong o file mora Hae Jesu Kreste, matta wohle lehodimong le lefatsheng, mme o Mo neile lebitso hodima mabitso wohle, mme Petrose o boletse hore ke ka lebitso la Hae, ka tumelo lebitsong la Hae, hore monna ya holofetseng a fodiswe Kgorong ya Tempele. Ke ka lona lebitso leo le tlottlehang dintho tsena tse makatsang di etswang kajeno. Mme ha re fodisitswe ka thapelo ya tumelo, ena ha se yona feela tlhohonolofatso eo re e amohelang, empa e jere mmoho le yona kgodiso ya tshwarelo ya dibe. Jak. 5:15.

Ho lebohuwe Modimo ha kajeno lefatsheng lena la ditlokotsi, re ena le banna ba tshwanang le Moena Branham, Erickson, John Sproul, mmoho le ba bang bao Moya o ba abetseng neo ya phodiso ya Moya. Jesu Kreste esale yena maobane, kajeno le ka hosafeleng. Mme O sa na le bokgoni bo bokaalo mme le ho rata ho re fodisa jwaloka nakong eo A neng a rera Evangelia ya Mmuso mme a fodisa batho dilemong tse sekete le makgolo a robong morao kwana. Ke ile ka bona Joan Gray, lesea le lenyenyan le neng le kula, ka Phato 26. O se a hodile ho feta dikgwedi tse 27 jwale mme o phela hantle o atlehile ka moo ho ka bang kateng.

Wa lona ho Kreste Jesu,

G.W. Jones, 705 E. Maple St., Jeffersonville, Ind.

Metswalle e ratehang, ho na le ba bang ba fodisitsweng mme ba batla ho fana ka bopaki e le dipaki tsa matla a Modimo empa ha re na sebaka bakeng sa bona jwale bukeng ena e nyenyane. Bopaki bona bo hlahisitsweng ke ho o kgothaletsa ho dumela Jesu Kreste le ho mo tseba jwaloka Mopholosi le Mofodisi wa hao.

Bongata bo balang Bibele, bo re, "Hoja feele ke ne ke ile ka phela mehleng ya Bibele, ke ne ke tla ya ho Jesu mme O ne a tla nthusa." Motswalle, o mona kajeno ho o thusa, jwaloka ha a ne a le tsatsing leo. Dumela feela Moya o Halalelang, Ke Paki ya Jesu. Ka kopo hle, hantle moo o leng teng, Mo dumele, mme o tla fodiswa.

THERO

Sehlooho sa rona se fumanwa ho Esaia 53:5.

"Athe o hlabeteswe dibe tsa rona, a tetekwa ka baka la makgopo a rona; kotlo e re tlisetsang kgotso e Mo wetse hodimo, mme re pholoswa ka maqeba a hae."

Jwale motswalle, Bibebe e re, "Re pholoswa ka maqeba a Hae." Mme re tla dumela hore re sa na le tshwarelo ya dibe tsa rona ka tshollo ya madi a Hae, ho sa natse hore re entseng. Hobaneng? Hobane ho ne ho le sehlabelong, o rialo. Na matetetso a Hae bakeng sa Phodiso a ne a se sehlabelong le wona? Jwale haekaba sehlabelo se feletswe ke matla a sona bakeng sa phodiso, etlaba o sa le dibeng tsa hao; tefelo ya dibe tsa hao e phethilwe ke wona Madi ao ho tswa monneng yena eo sebakeng sona seo, nakong yona eo, tsatsing lona leo.

Jwale o tla tlameha hore o re di sebedisana mmoho kapa ho seng jwalo ha di na matla.

Tjhe, motswalle, o dumela Jesu bakeng sa phodiso ya hao jwalo feela kaha o etsa bakeng sa dibe tsa hao, mme sehlabelo se tla ba le tshebetso e tshwanang. Se tla o sebeletsa mokgweng ofe kapa ofe, ha o dumela hore se etseditswe wena tsatsing lena ekasitana le bakeng sa bao tsatsing leo.

Jwalo feela ka ha o ka theosetsa nokeng ho tshela ka seketswana se rwalang batho, o bona ba bang ba tshela, kahoo horen wena o ke se kgone? Ha o ye ho molaodi wa seketswana seo le ho mmotsa hore na seketswana se tla phethisisa leeto kapa tjhe. O lefa feela tefello ya hao ya leeto, o hlwelle o ntano dula. Jwale ho ho mosesisi ho o tshedisetsa mose ho noka.

Le hona ho ka mokgwa o tshwanang ka Phodiso ya Moya, o bona bang ba phekowa mme le wena o ka phekowa hape. Eya feela ho Jesu. Tefello ya leeto lekgatheng lena ke tumelo, mme ebe jwale ho ho Jesu ho bona hore o a tshela.

Oho, moena le kgaitse, Mo dumeleng, le wena hape o ka phekowa. Tsatsi la Mehlolo ha le a feta ho bao ba dumelang hore ha le a feta.

Ntho ya pele eo o e etsang ke eng ha o lokisetsa moketjana? O ye o fumane alamanaka ya mafumahadi a hodileng mme o shebe hore na alamanaka e bolela hore tsatsing leo pula e tla na kapa le tla be le sele. Mme o tla thaba ha e bolela hore le tla sa. Eba o tla re, "Re tla hlophisetsa moketjana tsatsing leo." O tla reka dijo tsohle tsa hao tsa tinara mme o itokisetse ho tswa ka baka la hobane feela alamanaka e re, "le sele."

Oho, moena le kgaitse, ekare ha o beha tumelo e kaalo alamanakeng, hobaneng o ke ke wa dumela Lentsweng la Modimo? Hopola Modimo o nnile wa eba le ba bang ba dumetseng ka dinako tsohle, hobaneng o ke ke wa eba e mong wa bona jwale? Bala Mareka 16 mme o bone hore taelo ya ho qetela e filweng kereke ebile ho fodisa ba kulang. O boletse, "Dipontsho tsena di tla tsamaya le ba dumelang."

Ha kereke tsa lona di bolela hore di a dumela mme mehlolo e sa latele, eba ho ya ka Lentsweng la Modimo ha di dumele.

Botsa motho e mong kajeno kaha letshwao le letle la modumedi mme ba tla supa motho ya emeng ka ho tshepahala tabeng tsa botho. Ya lefang hantle sejaneng sa monehelo. Oho motswalla ka, ba bang ba bona ha ba tsebe le letho ka Modimo hakaalo kaha Lehotentoto le tseba kaha bosiu ba Egepeta, homme ba bang ba bona ke baithuti ba rutehileng sepelete le hona ba hlaha seminareng. Empa ha o a tlameha ho ba moithuti ho ka tseba Modimo. Empa o tlamehile ho sebetsa ho tlodisa bongata ba bona, o tlamehile ho dumela mme ha o ka etsa dipontsho tse ho Mareka 16:17-18 di tla o latela jwaloka ha Jesu a boletse hore di tla etsa.

Hopola ho Mareka 16 e bolela hore bolellang sebopowa se seng le se seng Evangedi. O ka nna wa re, "Moe. Branham, Evangedi keng, hore re tle re tsebe haeba re ena le yona kapa tjhe. Na ke Lentswe?"

Pauluse o boletse hore Evangedi ha e tle ho rona feela ka dipolelo empa ka Matla le Pontsho ya Moya o Halalelang. Jwale he na ha o no tlameha ho ba le Matla a Moya o Halalelang ho ka bonahatsa dipontsho tseo tsa Mareka 16?

Phetla mmoho le nna ho 2 Thimothea, Kgaolo ya 3 mme o bone ka moo Moya o Halalelang o bolelang hore matsatsing a morao batho ba tla ba le sebopoho sa borapedi empa ba tla latola matla a bona, mme ba jwalo Bibele e re bolella ho ba furalla.

Na hoo ha se pontsho ya hore re phela matsatsing a qetelo? Batho ba latola matla a ho phekola le ho lokoloha jwalo dibeng.

Dikereke di ntse di hatsela ho eketseha hoo tekanyo ya mohatsela e theohelang ho mashome a tsheletseng tlasa ntlha ya kgwamo. O ke se be le tlholo empa o kopanya Phodiso ya Moya mmoho le meketjana ya dikarete le disakrete. Batho ba bang ba ya kerekeng ka Sontaha hoseng ba momme sakrete se seholo molomong wa bona ba tshwane le poho ya Texas e kgaotsweng lenaka. Lentswe le re boleletse ho itlhwekisa ditshila tsohle. Oho moena, furalla dintho tsa hao tsa lefatshe mme o sebeletse Modimo. Mme ebe o tla o dumella ho tsamaya mmileng wa Hae wa Kgalalelo jwaloka ha Esaia kgaolo ya 35 e buile ka wona.

Ha motho e mong a ka o tlisetra pampiri-tjhelete ya poso ya \$70,000.00 o tla qala o thabe. Hoja ke ne nka o botsa hore hobaneng o thabile o ne o tla arabela hore o na le \$70,000.00. Haeba ke ne ke belaela hoo o ne o tla nneha ditlankana tseo tsa tjhelete. Ha ke ne nka re hoo ke sekgetjhana sa pampiri feela ka mongolo hodima sona o ne o tla arabela kapele hore ho tlamehile ho be ho ile ha ba le \$70,000.00 e kentsweng Mmusong wa Amerika pele setlankana se ka ngolwa mme le hona hore ka hoo mmuso o tla se tshehetsa.

Tseba ke hona hore Jakobo 5:14 e bolela hore thapelo ya tumelo e tla pholosa mobabi. O ka nna wa re hoo ke pampiri feela ka mongolo hodima yona. Empa moena, Lehodimo lohle le tshehetsa Bibele.

Ha o bala Lentswe la Hae hopola hore tshepiso e lebisitswe ho wena. Jwale qala o nyakalle le ho dumela mme O tla o fodisa.

Ke Modimo ya tshwanang kajeno le ka hosafeleng. Amen.

Voice Of God Recordings, South Africa Office
P.O. Box 178, Somerset West, 7129 Cape Province, Republic Of South Africa

SOUTH SOTHO

©1993 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org